

❖ REGJISTRIMI

Kandidati që shpallet fitues për të studiuar në ciklin e parë, të dytë, ose të tretë Master Ekzekutiv, ka të drejtë të ndjekë studimet në vitin e parë akademik në programin e studimit të kërkuar, nëse regjistrohet në sekretarinë mësimore të fakultetit dhe paguan tarifën e shkollimit sipas afateve të përcaktuara në udhëzimet përkatëse. Në rast të kundërt, ai humbet përfundimisht të drejtën e regjistrimit.

Në fillim të çdo viti akademik studenti është i detyruar të regjistrohet në sekretarinë mësimore të fakultetit për vitin në vazhdim brenda muajit tetor dhe të paguajë tarifën e detyrimeve për vitin akademik. Nëse nuk shlyen detyrimet deri në datën 31 janar të çdo viti akademik, studenti pengohet për të hyrë në provim. Në ato raste kur studenti ka provime para datës 31 janar duhet të paguajë tarifën e shkollimit një javë para datës së provimit, ndryshe nuk futet në provim.

Kandidati fiton statusin e studentit, pasi ai është regjistruar në sekretarinë mësimore, ka plotësuar të gjitha detyrimet dhe zotëron vërtetimin e regjistrimit. Statusi i studentit përfundon me marrjen e diplomës, me përjashtimin ose largimin e tij nga universiteti.

UNIKO ofron **programe** studimi me karakter **profesional**, pas arsimit të mesëm, me 60 ose 120 kredite formimi, referuar nivelit 5 të Kornizës Shqiptare të Kualifikimeve. Kohëzgjatja e tyre normale është një ose dy vite akademike dhe në përfundim lëshohet respektivisht “Certifikatë profesionale” ose “Diplomë profesionale” në fushën e arsimit të kryer.

Programet e ciklit të parë të studimeve, referuar nivelit 6 të Kornizës Shqiptare të Kualifikimeve, organizohen me 180 kredite (ECTS) dhe kohëzgjatja normale e tyre është tri vite akademike. Pranimi i studentëve në këto programe studimi në UNIKO, bëhet sipas kuotave të paracaktuara të propozuara nga njësitë bazë dhe të miratuara nga Senati Akademik dhe është i mundur për çdo kandidat që ka përfunduar me sukses ciklin e arsimit të mesëm dhe që plotëson:

- a. Kriterin e notës mesatare të përcaktuar çdo vit me vendim të Këshillit të Ministrave.
- b. Kriterin e rëndësisë (koeficienti i përcaktuar për shkollën nga vjen) si dhe gruplëndët apo mesataren e tyre, sa i takon përputhshmërisë me fushat dhe programet e studimit në UNIKO.

Cikli i dytë i studimeve në UNIKO përfshin programet e studimit “Master i shkencave” dhe “Master profesional”, referuar nivelit 7 të Kornizës Shqiptare të Kualifikimeve.

Programet e studimit “Master i shkencave” pajisin të diplomuarit me njohuri të thelluara teorike, si edhe me aftësi për kërkim shkencor në një fushë të caktuar. **Pranimi në programet e ciklit të dytë** të studimeve është i mundur për kandidatët që kanë përfunduar një program studimi të ciklit të parë dhe plotësojnë kriteret e pranimi të vendosura nga njësitë bazë ku ata aplikojnë.

Kriter pranimi në një program studimi të ciklit të dytë “Master i shkencave” është njohja nga kandidati e një prej pesë gjuhëve të huaja të Bashkimit Evropian: anglisht, frëngjisht, gjermanisht,

italisht, spanjisht. UNIKO mund të njohë kredite të përfituara në programet e studimit të ciklit të dytë “Master profesional”, me qëllim transferimin e tyre në programet e studimit “Master i shkencave”.

Pranimi në programet e ciklit të tretë të studimeve është i mundur për kandidatët që kanë fituar diplomën “Master i shkencave” dhe plotësojnë kriteret e pranimit.

Kriteret e pranimit në programet e ciklit të tretë përcaktohen nga njësitë bazë, në përputhje me standardet shtetërore të cilësisë dhe pasqyrohen në Rregulloren e tyre të studimeve. Këto kritere bëhen publike nga institucioni dhe i përcillen QSHA-së, si dhe ministrisë përgjegjëse për arsimin.

Kriter pranimi në një program studimi të ciklit të tretë është njohja nga kandidati e një prej pesë gjuhëve të huaja të Bashkimit Evropian: anglisht, frëngjisht, gjermanisht, italisht, spanjisht, e vërtetuar përmes testeve të njohura ndërkombëtare, në përputhje me udhëzimin përkatës të ministrit përgjegjës për arsimin.

Nëse individi ka fituar një diplomë të një programi studimi të kryer në një nga këto gjuhë, diploma e fituar shërben si dëshmi për plotësimin e këtij kriteri.

Kriteret shtesë të pranimit pasqyrohen në faqen zyrtare të UNIKO:

<https://www.unkorce.edu.al/kriteret-e-pranimit>

Programet e Studimeve të Formimit të Vazhduar

UNIKO mund të ofrojë programe të studimeve të formimit të vazhduar, si formë e të mësuarit gjatë gjithë jetës. Këto programe shërbejnë për plotësim, thellim e konsolidim të njohurive dhe mund të ofrohen si kurse kualifikimi, shkolla verore dhe veprimtari të ngjashme. Programet e studimeve të formimit të vazhduar ndihmojnë individët në rritjen e kualifikimit dhe të aftësive profesionale. Struktura e këtyre programeve, kohëzgjatja dhe kreditet e tyre përcaktohen në mënyrë të pavarur nga secila njësi baze përgjegjëse, në bashkëpunim me ministrinë e linjës, nëse kanë kompetencë, sipas kuadrit ligjor për profesionet e rregulluara, dhe bëhen publike nga njësia kryesore. Në përfundim të programeve të studimeve të formimit të vazhduar, UNIKO lëshon certifikatat përkatëse, të cilat regjistrohen në përputhje me përcaktimet e Ligjit nr. 80/2015, datë 22.07.2015, “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”.

UNIKO mund të ofrojë edhe kurse përgatitore për programet e studimeve që ofron.

❖ TARIFAT E SHKOLLIMIT

Tarifat e shkollimit përfshijnë: a) tarifën vjetore të shkollimit për çdo program studimi në Universitetin e Korçës.

Tarifat e shkollimit Viti Akademik 2019/2020 <https://www.unkorce.edu.al/tarifat-e-shkollimit-viti-akademik-2019-2020>

b) Tarifat e regjistrimit në module kualifikuese.....

c) Tarifat e shërbimeve <https://www.unkorce.edu.al/tarifat-e-sherbimeve>

Kategoritë e studentëve që përjashtohen nga tarifa e shkollimit: ([Kliko PDF](#))

❖ TRANSFERIMET

UNIKO ofron mundësi për njohjen e krediteve dhe transferimin e studimeve, midis programeve të të njëjtit cikël studimi, brenda vetë universitetit apo universiteteve të tjera. Transferimet pranohen në fillim të çdo viti akademik, jo më vonë se fundi i javës së pestë të semestrit të parë.

Kuotat në dispozicion të transferimeve mund të shfrytëzohen edhe nga studentë, të cilët ndërpresin studimet në një program për t'u regjistruar në një program të të njëjtit cikël studimi, që i përket një fushe të ndryshme studimesh nga ajo e mëparshme, nëse numri i krediteve, që njihen është i mjaftueshëm për t'u regjistruar në vitin e dytë të studimeve.

- Transferimet lejohen nga një program studimi i njëjtë ose i ngjashëm i të njëjtit cikël dhe lloj, të ndjekur nga kandidati në IAL-të publike ose jopublike të licensuara dhe të akredituara për programin përkatës të studimit, vendase apo të huaja, në fusha studimi të njëjta ose të përafërta.
- Periudhat e studimit dhe detyrimet e programeve të studimit, të shlyera në institucione të tjera të vendit ose të huaja, njihen dhe njësohen, nga pikëpamja e së drejtës për të vazhduar arsimimin, në një program studimi të njëjtë ose të ngjashëm.
- Njohja kryhet nga universiteti pranë të cilit është paraqitur kërkesa për vazhdimin e studimeve, konform akteve nënligjore në fuqi.
- Kriteret e procedurat e njohjes së krediteve dhe transferimi i studimeve përcaktohen në rregulloren e njesisë bazë, në përputhje me Ligjin Nr. 80/2015, datë 22.07.2015, “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë” dhe akte të tjera nënligjore.

- Vendimi për njohjen e plotë ose të pjesshme të krediteve, me qëllim vazhdimin e studimeve, merret nga Komisioni i Ekuivalentimit të Njesisë Bazë që pranon studentin sipas kësaj procedure:
 - a. Kandidatët që kërkojnë **transferim studimesh në programet e ciklit të parë** apo të dytë aplikojnë pranë UNIKO. Numri i programeve që mund të aplikojnë dhe afatet përcaktohen në udhëzimet që nxjerr MASR-ja para fillimit të çdo viti akademik.
 - b. Kandidatët që aplikojnë për **transferim studimesh në programet e studimeve 2- vjeçare me karakter profesional**, nuk kanë detyrimin të plotësojnë kriterin e notës mesatare të parashikuar në VKM.
 - c. Kandidati nuk duhet të ndjekë njëkohësisht dy programe studimi, me përjashtim të studentëve të shkëlqyer, me notë maksimale në hyrje.
 - d. Të gjithë kandidatët që dëshirojnë të aplikojnë për transferim të studimeve paraqesin pranë sekretarive mësimore dokumentet që parashikon udhëzimi i MASR-së për këtë qëllim.
 - e. Komisioni i ekuivalentimit të moduleve dhe programeve, i ngritur pranë çdo njësie bazë, bën vlerësimin e dosjeve të kandidatëve dhe përzgjedhjen e tyre në bazë të meritës, për ata kandidatë që plotësojnë kriteret e parashikuara në aktet ligjore e nën- ligjore në fuqi, si dhe kriteret specifike për çdo program studimi sipas kuotave përkatëse të shpallura paraprakisht nga njësia bazë.
 - f. Këto komisione kryejnë renditjen e kandidatëve bazuar në pikëzimin për çdo kriter vlerësimi të vendosur paraprakisht nga njësia bazë dhe të shpallura nga dekani përkatës në mjediset e çdo fakulteti, dhe vlerëson kandidatin me statusin fitues/jo fitues.
 - g. Listat me renditjen e kandidatëve sipas pikëve të marra, publikohen në mjediset e çdo fakulteti. Fituesi i fundit përcaktohet me vijë të kuqe në varësi të kuotave të ofruara për çdo program studimi.
 - h. Kandidatët kanë të drejtën e ankimit në komisionin e ekuivalentimit në njësinë bazë që ka bërë vlerësimin e dosjeve të tyre, brenda tri ditëve kalendarike nga dita e shpalljes së rezultateve.
 - i. Pas shpalljes së listave përfundimtare me renditjen e kandidatëve edhe në faqen elektronike të UK-së, fillon procesi i regjistrimit të tyre.

❖ NJOHJA E DIPLOMAVE TË HUAJA

Aplikimi për njohjen dhe njësimin e kualifikimeve që i përkasin nivelit 5 deri në 8 të Kornizës Shqiptare të Kualifikimeve kryhet **online nëpërmjet portalit e-albania**. Për më tepër **informacion klikoni në faqen zyrtare të Ministrisë së Arsimit, Sportit dhe Rinisë**

<https://arsimi.gov.al/njehsimi-i-diplomave-te-huaja/>

❖ NDËRPRERJA DHE RIFILLIMI I STUDIMEVE

Studenti mund t'i ndërpresë studimet pasi të ketë njoftuar paraprakisht për këtë ndërprerje dekanin e fakultetit përkatës. Ai mund t'i rifillojë studimet para apo pas konsumimit të lejës, në fillim të çdo semestri apo në të njëjtën datë pas së cilës ai është larguar. Në çdo rast duhet të ketë përmbushur të gjitha detyrimet që përmban rregullorja mësimore e programit të studimit që ai vazhdon.

❖ STUDIMET

Studimet në UNIKO zhvillohen në vite akademike, ku çdo vit organizohet në dy semestra, që realizojnë 20 deri në 25 orë mësimore 50- minutëshe leksione, seminare, praktika, laboratorë në një javë.

- Struktura e vitit Akademik 2019-2020
(<http://www.unkorce.edu.al/sites/default/files/STRUKTURA%20E%20VITIT%20AKADEMIK%202019-2020.pdf>)
- Struktura e vitit Akademik 2019-2020 – E ndryshuar
(<http://www.unkorce.edu.al/sites/default/files/NJE%20NDRYSHIM%20NE%20STRUKTUREN%20E%20VITIT%20AKADEMIK%202018-2019.pdf>)
- Struktura e vitit Akademik 2018-2019
(<http://www.unkorce.edu.al/sites/default/files/STRUKTURA%20E%20VITIT%20AKADEMIK%202018-2019.pdf>)
- Struktura e vitit Akademik 2017-2018
(<http://www.unkorce.edu.al/sites/default/files/STRUKTURA%20E%20VITIT%20AKADEMIK%202017-2018%20Permbledhur.pdf>)

Orari i studimeve dhe periudha e provimeve

Orari mësimor pasqyron veprimtarinë mësimore të programeve të studimit që ofron UNIKO. Orari publikohet në faqen zyrtare të Universitetit ëëëunkorce.edu.al, si dhe në këndin e orarit të vendosur fizikisht pran çdo fakulteti. Orari mësimor jep informacion për lëndën, pedagogun orën dhe auditorin ku do të zhvillohet mësimi. Ai gjendet i afishuar në këndin e njoftimeve të çdo fakulteti, pranë sekretarive përkatëse, si dhe në faqen zyrtare të UNIKO në adresën: <https://www.unkorce.edu.al/>

Zabtimi i orarit është i detyrueshëm për studentët dhe pedagogët.

Plani mësimor

Në planin mësimor të çdo programi studimi përcaktohen: Lëndët e programit të studimit të ndara sipas kategorive të veprimtarive formuese, si dhe në vite e semestra; kreditet përkatëse dhe pedagogët përgjegjës. Për më tepër: <https://www.unkorce.edu.al/sq/programet-e-studimit-bachelor>

Praktika profesionale

"Praktikë profesionale" është ushtrimi i një profesioni të rregulluar për një periudhë të caktuar kohe nga ana e praktikantit, në drejtimin dhe përgjegjësinë e një profesionisti të kualifikuar, që mund të shoqërohet me një formim shtesë, sipas mënyrës së përcaktuar nga autoriteti kompetent, në bashkëpunim me urdhrin profesional përkatës. Studentët që vazhdojnë studimet në ciklin e parë ose të dytë e kanë të detyrueshme kryerjen e praktikës profesionale, kur ajo përfshihet në planet mësimore dhe strukturën e vitit akademik. Me fillimin e vitit akademik sekretaria e departamentit u komunikon studentëve kohën e kryerjes së praktikës profesionale dhe programin e saj. Studenti që nuk realizon programin e praktikës profesionale u nënshtrohet rregullave të vendosura si për të gjitha veprimtaritë e tjera formuese. Praktikrat profesionale zhvillohen në institucione, ndërmarrje shtetërore ose private, sipas profilit të përgatitjes së studentit dhe nën drejtimin e pedagogut të caktuar nga departamenti përkatës. Studenti detyrohet të respektojë rregullat e institucionit ku kryen praktikën profesionale.

Organizimi i praktikës profesionale

Pranë çdo fakulteti organizohet dhe funksionon komisioni i praktikës profesionale. Detyrat e tij përcaktohen në rregulloren mësimore të programit të studimit përkatës. Kohëzgjatja e praktikës profesionale është përcaktuar në rregulloren mësimore të çdo programi studimi. Qendrat ku do të zhvillohen praktikrat përcaktohen nga drejtuesit e fakulteteve dhe duhet të jenë të miratuara nga institucionet përkatëse, të cilat duhet të kenë detyrime të kontraktuara me UNIKO. Mënyra e zhvillimit dhe e vlerësimit të praktikës profesionale përcaktohet në rregulloren mësimore të çdo programi studimi.

❖ Diplomimi

Në përfundim të kursit të plotë të studimeve, studentit ka të drejtë të diplomohet me mbrojtjen e një teze diplome ose me provim formimi. Departamentet përcaktojnë listën e temave për diploma në fillim të semestrit të pestë për ciklin e parë të studimeve, në fillim të semestrit të parë për ciklin e dytë të studimeve "Master Profesional" me 60 kredite dhe në fillim të semestrit të tretë për ciklin e dytë të studimeve "Master i Shkencave" me 120 kredite. Ky përcaktim bëhet duke u mbështetur në fushat e studimit që mbulon departamenti. Studenti merr përsipër shpenzimet për realizimin e

temës së diplomës. Diplomimi bëhet në sezonin e verës (korrik) dhe në sezonin e vjeshtës (shtator). Studentit i lejohet të mbrojë diplomën vetëm mbasi të ketë shlyer provimet e prapambetura. Diploma nënshkruhet nga dekani i fakultetit përkatës dhe Rektori i universitetit. Dorëzimi i diplomave bëhet me ceremoni në Ditën Akademike të Universitetit të Korçës.

Provimet e Shtetit

Provim i shtetit" është kontrolli vetëm për njohuritë profesionale të kandidatit, që organizohet në përputhje me legjislacionin në fuqi. Ky provim kryhet sipas përcaktimeve të parashikuara në ligjin nr.10 171, datë 22.10.2009 "Për profesionet e rregulluara në Republikën e Shqipërisë" dhe vlerëson njohuritë dhe aftësitë e kandidatit për ushtrimin e një profesioni të rregulluar. Për më tepër informacion:

Rregullore për praktikën profesionale për Profesionistin e Shëndetit në Republikën e Shqipërisë

Rregullore e Provimeve të Shtetit

Udhëzim mbi zhvillimin e Provimeve të Shtetit

Test – Programi i provimeve të shtetit

<http://www.akp.gov.al/>